

přestawajo přeměnja tež variaciju, wězo tu bóle, tam mjenje. Hdy potajkim by zběračel z jednej pěsnju hotowy był, hdy by wšitko zapisował? Zawěsće by to dołhotna próca była, a byrnje to najswědomičiši zběračel był, by so dyrbjał spokojić z wěstosću, kotaž nas powučuje, zo dokonjany wobraz organisma, kajkiž prostonarodne wumjełstwo je, ženje so podać njehodži z mortwymi notami. Dosaha, hdyž z najmjeńša jednu hercowu variaciju zapišemy a snadź tež někotru wotkhilku, je-li zajimawa.

Při pěsnjach, kotrež sym ze swojeho samsnego słyšenja zapisał, sym — doniž bě móžno — tajke hercove variacijne wotkhilki poznamjeniļ z pödlanskimi notami při hłownej melodiji. Bohužel njedokonjach při njedostatku časa a při mnohich druhich zadžewkach, kotrež so czemu pućowarzej na překi stajeju, wšitko tak, jako by so słušało. — Nětka přehladujmy postupnje cyły rjad melodiji wote mnje předpołożonych.

Najprjedy su pěsnje, kotrež sym po samsnym słyšenju zapisał a to A. serbske reje, B. kwasne pokhody, C. wšelake pěsnje. Prócowach so wšitke variacijne wotkhilki hercow zapisać, kotrež su tudy z pödlanskimi notami podawane. Při pěsnjach, kotrež sym wot dudaka zapisał (čisla 21, 22, 23, 24, 25, 26, 50, 51), su zajimawe bohate a pisane dudakowe variacije, kotrež dyrbjach wosebiće zapisać. Přidamy-li sebi k tutym melodijam w basu wulke F, mamy dospołnu dudakowu hudźbu. K tajkemu pospytej hodži so jara derje harmonium (nic piano), štož horliwje poručam. — Dale su tu zajimawe kwasne pokhody z cyrkwe a do cyrkwe, z kotrychž prěnja dwojica so zda być jeničcy hornjołužiska, druga pak jeničcy swójstwo namězneho kraja; z najmjeńša njejsym druhdze druhe pokhody słyšał. Tute pokhody su woprawdze wažne, dokelž su jeničke wěste reprezentanty serbskeje narodneje instrumentalneje hudźby. — We wotdželu „Wšelake narodne pěsnje“ namakamy mnohe melodije wot Smolerjowych wotkhilne, kotrychž přirunowanje njebudže bjez zajimawosće. Tu je tež wjele z cyła hinašich melodiji, přislušnych k textam, kotrež pola Smolerja naděńdzemy. Z cyła je tu 45 reji, 4 kwasne pokhody a 20 wšelakich pěsni.